

C O P P I E

DE LA LETTRE ES-

critte à Monsieur Desdiguie-

res, par la Royne.

1614.

¹
COPPIE DE LA LETTRE

*escripte à Monsieur Desdiguieres
par la Royne.*

*dis-
net
catalogue*

MON COUSIN.

Je ne me suis tant hastée de vous
escrire sur le subject du partement de ce-
ste Cour de mon Nepueu le Prince de
Cocé, & des autres Princes, qui en mes-
me temps s'en sont aussi retirez, d'autāt
que mon neveu aiant pris congé du Roy
monf. & Fils, & de moi, avec promesse
de reuenir toutes & quantes fois qu'il en
seroit requis, pour le bien de son serui-
ce, & les autres aiant fait le semblable,
i'ay tousiours creu que cet esloignemēt
estoit plutoſt pour visiter leurs maisons,
& se donner le plaisir de la chasse pour
quelque temps, comme mondit Neveu
& les autres ont fait souuent, que pour
aucun autre besoin: Neantmoins ayant
appris plutoſt par bruit commun que

2
par aucun autre aduis que i'aie eu de leur
part, qu'ils monstroient auoir quelque
mescontentement. I'ay fait ce qu'il m'a
esté possible pour m'en esclaircir plus par-
ticulierement, & avec autant plus de soin
que ie crois qu'ils en ont moins de sujet.
Car s'ils se plaignent pour ce qui est de
leur particulier interest, ie puis dire avec
verité que mondit Neveu, & tous les-
dits Princes, ont tousiours esté bien veus
caressez, accueillis, & honorez par le Roy
mondit sieur & Fils, & par moy, qu'ils
sçauroient raisonnablement desirer. Et
pour ce qui touche l'administration des
affaires; outre que par la forme ordina-
re que nous obseruons, tous les Princes,
Ducs, & Officiers de la Couronne, sont
admis aux Conseils qui se tiennent pour
cest effect. Il est certain qu'il ne s'est exposé
aucun traicté, ne negocié aucun affaire
importante que lesdits Princes, & specia-
lement mondit Neveu, ny ayent tous-

3
iours esté appellez: & mesmes qu'elles
ont esté souuēt differées & remises pour
attendre leur commodité; & presence:&
d'auantage, pour le regard de la distribu-
tion des graces & biens faits, chacū d'eux
en leur particulier, & tous ceux qui ont
esté recómandez de leur part, en ont de
si bons, vtils, & aduātageux effers, qu'ils
n'ont raison de s'en plaindre. Si par apres
il est questiō des affaires generalles, elles
ont esté administrées depuis la mort du
feu Roy mon Seigneur, de telle sorte
qu'il se peut recognoistre que nous n'a-
uons riē obmis de ce qui pouuoit seruir
au bien, & grandeur, & reputation de
ceste Couronne: ayant pris soin pour le
dehors de conseruer les amitiez anciēnes
d'icelle, avec tous les Princes & Estats
voisins, ce que par la grace de Dieu nous
a succédé si heureusement, que i'amaís
elles ne furent en meilleur estat. Et
pour ce qui est du dedans du Roy-

4
aume, ayant donné ordre comme chacū
ſçait, à faire obſeruer ſoigneuſemēt tous
les Edicts de pacification entre les ſujets
du Roy monſ. & Fils, & de maintenir
touſiours & conſeruer entre eux vne
bonne paix, vnion, repos & tranquillité,
outre que i'ay apporté tout ce qui eſtoit
de mon pouuoir pour le ſoulagemēt du
peuple: & puis dire que i'en ay eu tant de
ſoing, qu'écōre que nous ayōs eſté char-
gez de grandes & exceſſiues deſpences,
neantmoins l'on n'a fait aucunes leuées
ny impositions extraordinaires, & qu'au
contraire, il ſe trouuera qu'elles ont e-
ſté diminuées en pluſieurs occaſions: &
d'auantage nous auons maintenu & cō-
ſerué tous les autres Ordres & Eſtats, cha-
cun en leur autorité & fonction accou-
ſtumée. Tellemēt que ie ne puis cognoi-
ſtre quels veritables fondemens leſdits
Princes; ny autres, puiſſent prendre, de
ſe plaindre, ny pour le general, ny pour

le particulier. Neantmoins, considerant bien que ceste retraicte avec ces tesmoignages de mescontentement, & bruits qui s'espendent & augmentent, à ceste occasion pourroient produire de mauvais effects dans les prouinces, au prejudice du repos public: Je desire prendre sur ce les moiens les plus conuenables pour y remedier: & pour cet effect ayant fait assembler les Princes, Officiers de la Couronne, & principaux du Conseil qui sont pres de nous, i'ay resolu par leur aduis d'enuoier mon Cousin le Duc de Vantadour, & le sieur de Boissise Conseiller au Conseil d'Estat du Roy, monf. mon fils, vers mondit Neueu le Prince de Córdé, pour le conuier & prier de reuenir aupres du Roy, monf. mon fils, & de moy, pour prendre & tenir le lieu & rang qui est deub à sa qualité, & nous y donner les conseils & assistances sur toutes les occurrences: mesmes sur les grands & impor-

rans affaires qu'auons sur les bras, à quoy
i'esperois qu'il se deust resoudre à leur
arriuée aupres de luy, suiuant la promes-
se qu'il en auoit faite à son partement: ce
qu'il n'a voulu faire. Donc en suite de ce
pour monstrier clairement la verité & sin-
cerité de mes actions passées, & recher-
cher les voies qui sôt les meilleures, pour
donner vn bon ordre & affermissement
au bien de cest Estat à l'aduenir: mesme
sur l'entrée de la majorité du Roy, mon-
dit sieur & fils. I'ay aussi estimé à propos
de faire faire vne conuocation des prin-
cipaux de tous les Ordres & Estats de
chacune Prouince de ce Royaume, pour
en faire vne notable assemblée, en la-
quelle l'on puisse prendre des resolutiōs
conuenables à la dignité d'icelle, & au
sujet pour laquelle nous la faisons con-
uoquer. C'est ce que ie puis escrire pour
le present sur le sujet de ce qui se passe
de deça, dont ie vous supplie de tenir

7
aduertir ceux qui sont sous vostre charge, & de prendre garde à chacun en ce qui dépend de luy, afin que toutes choses soient contenues sous l'obeyssance du Roy mondit sieur & fils, & l'observation de les Edicts, selon l'ordre accoustumé, sans qu'il luy soit apporté aucune nouveauté ny alteration: & que l'on s'oppose à tous ceux qui voudroient en quelque sorte que ce soit, troubler le repos de l'Estat, & preiudicier au bien public, & du seruice du Roy, mondit sieur & fils: Et sur tout vous aduertirez les Villes, & Cômunautez qui sont sous vostre charge, de faire bonne garde, & de s'opposer à toutes guerres & menées qui se pourroient faire parmy eux, contre le repos & tranquillité & le seruice du Roy mondit sieur & fils, ainsi que nous leur mandons par lettres expressees: & que ie m'asseure que scaurez

bien faire observer. Priant Dieu qu'il vous aye, mon Cousin, la sainte garde. Escripte à Paris le 12. Feurier 1614.